



# সুখবর

f: Sukhabar-patrika

SUKHABAR ● 6 FEBRUARY 2025 ● Thursday ● কলকাতা ● ২৩ মার্চ ১৪৩১ ● বৃহস্পতিবার ● ৬ ফেব্রুয়ারি ২০২৫

## সুরনন্দন ভারতীর ৩২তম প্রতিষ্ঠা দিবস

নিজস্ব প্রতিনিধি: সুরনন্দন ভারতীর ৩২তম প্রতিষ্ঠা দিবস উপলক্ষে ১ ফেব্রুয়ারি কলকাতার আশুতোষ মেমোরিয়াল হলে এক অনুষ্ঠান হয়।

অনুষ্ঠানে সুরনন্দন ভারতীর প্রাক্তন বিভাগীয় প্রধান লোকসঙ্গীত শিল্পী অমর পালকে নিয়ে সুরনন্দন ভারতী নিবেদিত একটি ১ ঘণ্টার তথ্যচিত্র 'মাটির গানে' দেখানো হয়। এই তথ্যচিত্র কমল চক্রবর্তী ও ঋতীশরণ চক্রবর্তী প্রযোজিত আর সুমিত বন্দ্যোপাধ্যায় ও ঋতীশরণ চক্রবর্তী পরিচালিত। তথ্যচিত্রের



আগে সুরনন্দন ভারতীর সর্বভারতীয় সম্পাদক ঋতীশরণ চক্রবর্তী জানান, 'সুরনন্দন ভারতী এক সর্বভারতীয় পত্রীকাগ্রহণ কেন্দ্র। আমাদের দেশের প্রায় প্রতিটি রাজ্যে এমনকী বিদেশেও অনুমোদিত কেন্দ্র ছড়িয়ে পড়েছে।' অনুষ্ঠানে লন্ডনের কবি-বাউলশিল্পী-চিত্রশিল্পী পাণ্ডিত্য যোমালকে জীবনকৃতি পুরস্কারে সম্মানিত করা হয়। কলকাতার ডাঃ মুদুলা চক্রবর্তী আর সুরনন্দন ভারতীর প্রতিষ্ঠাতা সদস্য ঋদ্ধি চক্রবর্তীকে কৃষ্টিনন্দন ও সুরনন্দন পুরস্কার দিয়ে সম্মান জানানো হয়। বিশিষ্ট হৃদরোগ বিশেষজ্ঞ ডাঃ সুকমল দাস, অমর পালকে নিয়ে 'রা' পত্রিকার বিশেষ সংখ্যার আনুষ্ঠানিক উদ্বোধন করেন।

সত্য বসুর লেখা 'মুখের মিছিল' বইয়ের আনুষ্ঠানিক উদ্বোধন করেন আন্তর্জাতিক কবি-শিল্পী-গায়িকা পাণ্ডিত্য যোমাল। 'মুখের মিছিল' বই এক পূর্ণাঙ্গ উপন্যাস।

দ্বিতীয় পর্বের অনুষ্ঠানে সুপ্তি রায়, রমিত মুখার্জি, কমলিনী বড়ুয়া, ইন্দ্রাণী চক্রবর্তী আর মণীষা রানি বিপ্লাস

সঙ্গীত পরিবেশন করেন। পরিবেশনায় অভিনবর আছে। শিল্পী মনিকণা উপাধ্যায়ের একক নৃত্য-চিত্রাঙ্কন, দেবদ্বিতা প্রামাণিকের একক নৃত্য আর চঞ্চল ভট্টাচার্যর নিজের লেখা কবিতা আবৃত্তি সুন্দর। লন্ডন ও প্রাণের পাণ্ডিত্য যোমাল অতিথিশিল্পী হিসাবে বাউল সঙ্গীত পরিবেশন করেন। তার অনুষ্ঠান দুটিনন্দন হয়ে ওঠে। অনুষ্ঠানের শেষে ছিল সঞ্জল সিন্ধুর ম্যাজিক শো। এছাড়াও ৪৮তম আন্তর্জাতিক কলকাতা বইমেলায় সুরনন্দন ভারতী সঙ্গীত, নৃত্য, অঙ্কন, আবৃত্তি আর বই উদ্বোধনী অনুষ্ঠানের আয়োজন করে। লন্ডনের পাণ্ডিত্য যোমালের লেখা 'বাউল তান্ত্রিক', ত্রিপুরার অভীকুমার দে সম্পাদিত 'পঞ্জের বাঁধন' আর কলকাতার ঋতীশরণ চক্রবর্তীর লেখা 'চিত্রনন্দন' এর আনুষ্ঠানিক উদ্বোধন হয়। সঙ্গীতশিল্পী অনামিকা সরকারের পরিচালনায় 'প্রাণের অনুরণন' এর শিল্পীদের সঙ্গীত আর শিল্পী গৌতম ঘোষের পরিচালনায় আর্ট স্কুল অফ নৈহাটির শিক্ষার্থীদের পীতি চিত্রাঙ্কন অনুষ্ঠানে পরিবেশিত হয়।